

CONVÈNI

Vielha, a 1 d'octubre de 2024

AMASSADI

D'ua part eth Sr. Juan Antonio Serrano Iglesias, alcalde der Ajuntament de Vielha e Mijaran, assistit pera Secretària accidentau dera Corporacion.

Der auta eth Sr. Josep Manel Vega Camps, ena sua condicion de president dera entitat Club Ciclista Pedales del Mundo, damb CIF G25700840

MANIFÈSTEN

1èr. Qu'existís en Vielha era entitat Club Ciclista Pedales del Mundo, legaument constituïda, ubicada en carrèr Arnals num. 8 de Vielha, qu'organize era corsa ciclista "Pedals de foc nonstop".

2au. Qu'ei volentat der Ajuntament de Vielha e Mijaran balhar supòrt economic entara organizacion dera corsa ciclista "Pedals de foc nonstop", dejà qu'ei ua pròva ciclista en territòri damb gessuda e arribada en Vielha e damb fòrça participants sò que supose un eveniment de referència entath territòri damb un important interès econòmic e sociau.

3au. Qu'er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per acòrds deth Plen des dies 26 de seteme de 2007, 22 de seteme de 2014, 4 d'abriu de 2018, de 26 de mai de 2021 e 10 d'abriu de 2024.

Aguesta Ordenança establís en sòn article 10 qu'es subvencions poderàn autrejarse directament en quauqui casi, entre es quaus se trapen aqueri enes que s'acrediten arrasons d'interès public e sociau.

4au. Qu'era Ordenança municipau tanben establís que normaument er autrejament directe se formalizarà en un convèni.

5au. Que d'acòrd damb er article 47 e següents dera Lei 40/2015, d'1 d'octubre, de regim juridic deth sector public, es parts acòrden soscríuer eth present Convèni.

6au. Qu'era Lei 9/2017, de 8 de noveme, de contratec deth sector public, en sòn article 6.2 determine qu'estan excluidi der àmbit dera nomentada Lei es convènis que celebren es entitats deth sector public damb persones fisiques e juridiques subjèctes ath dret privat, tostemp qu'eth sòn contengut non estongue comprenut enes contractes reguladi n'aguest Lei o en normes administratiues especiaus.

7au. Que s'aurà en compde çò que dispausen es Bases 35, 37 e 39 des d'execucion deth Pressupòst Municipau vigent, relatives as requisit e procediment de justificacion des aportacions economicas que se reciben pes entitats en compliment des convènis signadi per Ajuntament de Vielha e Mijaran.

8au. Que s'aurà en compde çò que dispausen ena Ordenança municipau reguladora des subvencions der Ajuntament de Vielha e Mijaran.

Peth tot çò, convien eth present convèni e ar efècte establissen es següenti:

PACTES

PRUMÈR. Er objècte deth present convèni ei era collaboracion entre er Ajuntament de Vielha e Mijaran e era entitat Club Ciclista Pedales del Mundo entà balhar supòrt economic entà sufragar despenes relacionades damb era organizacion dera corsa.

DUSAU. Qu'en marc d'aguest convèni er Ajuntament de Vielha e Mijaran collaborarà damb aquesta entitat damb ua subvencion per un import de 10.000,00 € a cargue dera partida 2024-1-34100-48052-01.

Entà poder realizar eth pagament dera subvencion era beneficiaria a d'estar ath corrent en compliment des sues obligacion tributaries e damb era Seguridad Social.

Era non justificacion dera despena darà lòc ara devolucion des quantitats satisfètes e non justificades.

TRESAU. Qu'er apoderat dera entitat, serà eth responsable de destinar era totalitat des sòs ar objècte deth compliment deth present convèni.

QUATAU. Era entitat justificarà ar Ajuntament eth destin dera subvencion, e aurà de presentar es factures e es rebuts des pagaments corresponenti, auments per un import deth doble ath dera subvencion autrejada, tanben presentaràn ua memòria dera activitat realizada. S'aurà de dar compliment a çò mercat en article 8 dera citada ordenança municipau.

CINCAU. Sense perjudici de çò dit anteriorment, er Ajuntament de Vielha e Mijaran, e per miei dera Intervencion de Hòns Municipaus, a era potestat irrenonciabile d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauietat entara que s'autrejèc, tot çò en compliment der article 189 e 214 deth Tèxt rehonot dera Lei reguladora des isendes locals.

SIESAU. En toti es impresi e òpuscles de publicitat que s'editen damb referència ara activitat se harà constar ar Ajuntament de Vielha e Mijaran coma collaborador.

Cossent damb çò dispausat en article 20 paragraf 8.b) dera Lei generau de subvencions, er Ajuntament enviarà ara Base de Datos Nacional de Subvenciones era subvencion autrejada.

SETAU. Era entitat justificarà abantes deth 15 de deseme der an en cors ar Ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponents.

UEITAU. Eth present convèni aurà ua vigéncia d'UN AN (1 AN) sense opcion a pròrròga. Totun, aquest convèni se poderà rescindir per mutuau acòrd entre es parts o per decision unilateral d'ua des parts qu'ac aurà de comunicar ara auta damb tres mesi d'auança.

NAUAU. Es parts signatàries d'aquest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

DESAU. Es parts signatàries d'aquest convèni s'obliguen a dar compliment ara Lei organica 3/2018, de 5 de deseme, de proteccion de donades personaus e garantia des drets digitaus.

ONZAU. Eth present convèni està subjècte ath règim juridic establhit pera Lei 38/2023, de 17 de noveme, generau de subvencions e eth sòn Reglament aprovat peth Reiau Decrèt 887/2006, de 21 de junhsèga.

E en pròva de conformitat, ambdues parts signen eth present convèni e a sonque un efècte, e en lòc e data nomentadi.

(Document signat electronicament)